



## CONCELLO DE ARZÚA

Rúa de Santiago, 2,  
15810 Arzúa  
A Coruña  
Teléfono: 981 50 00 00

### ACTA N.º 1 DO TRIBUNAL PARA A CREACIÓN DUNHA BOLSA DE EMPREGO PARA O NOMEAMENTO DE FUNCIONARIOS/AS INTERINOS/AS COMO TÉCNICOS DE NORMALIZACIÓN LINGÜÍSTICA DO CONCELLO DE ARZÚA.

Reunidos ás 11:00 horas en data 30/10/2024 no Concello de Arzúa, e ás 12:16 horas na Aula Cemit do Concello os membros do Tribunal de selección do proceso de selección para contratación dun/dunha funcionario/a interino/a como técnico de normalización lingüística do Concello de Arzúa segundo bases de selección aprobadas por Xunta de Goberno, de data 25/04/2024 publicadas no BOP N.º 86 de data 3 de maio de 2024.

Nomeados e convocados a esta sesión por decreto do Alcalde n.º 756/2024, de data 24/10/2024 e rectificado no decreto 757/2024 de data 25/10/2024 e dilixencia de corrección de erros publicado no mesmo día no taboleiro de anuncios da sede electrónica municipal, aprobando a lista definitiva e fixando a data de constitución e realización da proba tipo tests os membros do Tribunal cualificador:

Estando presentes :

**Presidente titular:** José Benito Novo Diaz. Normalizador do Concello de Lugo.

**Vogal titular:** Purificación Galán Boutureira. Coordinadora Territorial dos equipos de dinamización da lingua galega da provincia de A Coruña.

**Vogal titular:** Carlos Rodríguez Pérez. Secretaria Xeral do Centro Autonómica de Formación e Innovación

**Secretario:** Joaquim Vázquez Rodríguez. Normalizador do Concello de Melide.

Non podendo asistir a vogal, Rosa Moreiras Cuñarro por causas debidamente xustificadas de índole persoal, Normalizadora do Concello de Ames.

Dada a presenza tanto do Presidente como do Secretario, así como dos vogais titulares do presente tribunal, agás Rosa Moreiras Cuñarro, polo motivo exposto anteriormente, considérase cumprido o requisito preceptivo para a súa válida constitución e actuación, polo que aberta a sesión polo Presidente, declárase por este **constituído o Tribunal de Selección do proceso selectivo** de referencia.

O Tribunal conta coa asistencia como colaboradora para as xestións administrativas e para facilitar o acceso ao aplicativo informático de xestión de expedientes, a fin de analizar a documentación dos aspirantes, con **Dna. María José Lage Vázquez**, ADL do Concello de Arzúa.

Polo Presidente declárase constituído Tribunal e procédese polo Secretario á lectura das bases aplicables a este procedemento selectivo tal como segue:

#### FASE DE OPOSICIÓN:

Será o de oposición libre.

A oposición constará de dous exercicios, eliminatorios cada un deles, de modo que non poderán pasar ao seguinte exercicio as/os aspirantes que non alcanzaran a cualificación mínima establecida para cada un deles.

Os exercicios practicaranse en chamamento único, sendo suspendido quen non compareza, calquera que sexa a causa, salvo previsión normativa específica de rango superior.

1.-Exame tipo test. De carácter obrigatorio e eliminatorio. Exame tipo test de 30 preguntas con catro posibles respostas das que unha soa será verdadeira relacionadas cos temas do Anexo I das presentes bases. O tempo máximo para a realización deste exercicio será de 45 minutos. Cada resposta correcta puntuarase con 0,50 puntos, e cada resposta errada restará 0,20 puntos. As respostas en branco non penalizarán. Será cualificado cunha puntuación de 0 a 15 puntos sendo necesaria para superalo unha puntuación mínima de **7,5 puntos**.

O Tribunal por unanimidade **ACORDOU**:

**PRIMEIRO:** Realizar a seguinte proba de oposición :

1- Cal destes enunciados é incorrecto?

- a) Foi el, á sazón alcalde de Arzúa, quen construíu o edificio.
- b) Foi el, daquela alcalde de Arzúa, quen construíu o edificio.
- c) Foi el, naquel tempo alcalde de Arzúa, quen construíu o edificio.
- d) Todos son correctos.

2- Cal destas frases é correcta?

- a) A secretaria do Concello de Arzúa levantou acta da reunión.
- b) A secretaria de Arzúa levantou acta da reunión a efectos oportunos
- c) A secretaria de Arzúa levantou acta para os efectos oportunos.
- d) **Ningunha delas é correcta.**

3- En que artigo da Lei/1983, do 15 de xuño, de normalización lingüística aparece que os topónimos terán como única forma oficial a galega?

- a) **10**
- b) 9
- c) 8
- d) 7

4- En que data publicou Castelao o seu libro *Sempre en Galiza*?

- a) **10 de marzo de 1944**
- b) 10 de marzo de 1945
- c) 10 de marzo de 1943
- d) 10 de marzo de 1942

5- Diseñar unha campaña de normalización lingüística para o Concello de Arzúa é unha actuación en relación co:

- a) corpus da lingua
- b) **estatus da lingua**
- c) estatus e corpus
- d) con ningún dos dous.

6- As palabras *barro*, *parra* e *sapo* a que substrato da lingua se atribúen?

- a) **preindoeuropeo**
- b) celta
- c) paracelta
- d) orixe descoñecida.

7- En que ano se funda a Real Academia Galega na cidade da Coruña?

- a) **1906**
- b) 1907
- c) 1905
- d) 1908

8- En que ano foi creado o Seminario de Estudos Galegos?

- a) **1923**
- b) 1924
- c) 1925
- d) 1922

9- Cal destes enunciados é incorrecto?

- a) Ese non chega deica o bar sen caer
- b) Ese non chega até o bar sen caer
- c) Ese non chega ata o bar sen caer
- d) **todos son correctos.**

10- Que forma verbal do copretérito de indicativo do verbo caer é incorrecta?

- a) caía
- b) **caíamos**
- c) caían
- d) todos son correctas.

11- En que ano se aprobou por unanimidade parlamentaria o Plan xeral de normalización da lingua galega?

- a) 2003
- b) **2004**
- c) 2005
- d) 2009

12- Cal dos seguintes substantivos presenta marca de xénero incorrecta?

- a) o fin
- b) a cal
- c) o cal
- d) **todas as marcas de xénero son correctas.**

13- Cal non é correcta?

- a) **acuse de recibo**
- b) baseándose en...
- c) xuros de mora
- d) na marxe.

14- Cal é o xentilicio de Arzúa?. ANULADA. Pásase a primeira pregunta de reserva.

- a) arzuao/arzúa

- b) arzúan/arzúa
- c) arzuán/arzuán
- d) arzuense/arzuensa.

15- Cal é o enunciado correcto?

- a) Ambos rapaces viñeron onte.
- b) Todos os rapaces viñeron onte.
- c) Ambos os rapaces viñeron onte.**
- d) Todas son correctas.

16- Indique a opción máis acaída

- a) Nunca se pon coma, punto e coma nin dous puntos antes de paréntese.
- b) A coma (,) non debe usarse antes dos puntos suspensivos (...).
- c) A coma nunca se debe utilizar antes das comiñas.
- d) Todas son correctas.**

17- O asterisco \* emprégase para

- a) En crítica serve, duplicado, para encerrar lagoas dun texto.
- b) En informática significa multiplicación.
- c) Úsase como chamada de nota.
- d) Todas son correctas.**

18- Os acrónimos

- a) Escríbense con maiúsculas.
- b) Levan puntos entre as letras que os conforman.
- c) Abrevian máis dunha palabra usando máis cá primeira letra.**
- d) Rematan cun punto.

19- Os símbolos

- a) Son de libre creación por parte do cidadán.
- b) Levan punto abreviativo ao final.
- c) Admiten o morfema de plural.
- d) Non son de libre creación por parte dos usuarios.**

20-.- Cal é a frase correcta?

- a) O Concello de Arzúa acordou estudar a situación.
- b) O Concello de Arzúa estudou a situación.**
- c) O Concello de Arzúa, decidiu non estudar a situación.
- d) Polo Concello de Arzúa estudouse a situación.

21- Cál é a palabra correctamente escrita

- a) Teórico-práctico.**
- b) Euscaro.
- c) Kárate.
- d) Habitat.

22- En galego “vía de apremio”.

- a) É unha expresión incorrecta.
- b) É unha expresión menos recomendable ca “vía de prema”.**
- c) O correcto é “vía de premio”.
- d) Significa “vía de proximidade”.

23-No bloque central no que se encadra o galego falado en Arzúa

- a) Dise “isto”, “pantalóis” e irmán.
- b) Dise “mazá” e teñen a terminación “-llelo”.**
- c) Dise “cuatro” e teñen ceceo.
- d) É incorrecto todo o dito anteriormente.

24-Para opositar a auxiliar administrativo, que CELGA necesito

- a) CELGA 2
- b) CELGA 3**
- c) CELGA 4
- d) CELGA 5

25-Indique a opción correcta: os obxectivos xerais do Plan xeral de normalización lingüística son:

- a) Garantirle a posibilidade de vivir en galego a quen así o desexe co amparo da lei e das institucións.
- b) Conseguir para a lingua galega máis funcións sociais e espazos de uso, priorizando sectores estratéxicos.
- c) Introducir na sociedade a oferta positiva de atender o cidadán ou o cliente en galego como norma de cortesía dun novo espírito de convivencia lingüística.
- d) Todas son correctas.**

26-Que artigo do Estatuto de autonomía de Galicia recolle: *Correspóndelle á Comunidade Autónoma de Galicia a competencia exclusiva das seguintes materias: A promoción e o ensino da lingua galega*

- a) Artigo 25
- b) Artigo 26
- c) Artigo 27**
- d) Ningún dos anteriores

27-En que artigo do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais se recolle o seguinte: *As convocatorias das sesións, as ordes do día, mocións, votos particulares, propostas de acordo e ditames das comisións informativas redactaranse en lingua castelá ou na lingua oficial da comunidade autónoma á que pertenza a entidade, de acordo coa lexislación aplicable e cos acordos adoptados respecto a iso pola correspondente corporación.*

- a) Artigo 13
- b) Artigo 24
- c) Artigo 86**
- d) Artigo 84

28-En que ano se fundaron as Irmandades da Fala

- a) 1916**
- b) 1926
- c) 1914
- d) 1936

29-O substantivo “Vertido”

- a) É incorrecto no galego normativo.
- b) É correcto o seu uso, pero non é unha forma recomendable .**
- c) O correcto é “verquedura”.
- d) “Verquido” é a forma normativa recollida no dicionario da RAG.

30-Cal das seguintes frases é correcta en galego normativo?

- a) Escrito recollendo propostas da cidadanía.
- b) Arranxando o problema, poderemos actuar.**
- c) Resolución sancionando infractores.
- d) Deu por finalizado o acto, entregando a continuación os premios.

## RESERVA

1-Cal das seguintes frases é correcta?

- a) Teñen que revisaren as resolucións.
- b) Queremos solicitarmos outros cursos.
- c) Para falares co alcalde, tes que pedir cita.**
- d) Ningunha é correcta.

2-Temos algún castelanismo morfolóxico a continuación?

- a) A “p” é moi usada en galego.
- b) O paisaxe galego en outono é precioso.
- c) O paréntese úsase moito la linguaxe administrativa.
- d) En todas as frases anteriores temos algún castelanismo.**

3- Cal dos seguintes verbos está correctamente escrito e se usa como reflexivo en galego normativo?

- a) Cansarse
- b) Enfermarse
- c) Inventarse
- d) Arrepentirse**

4-Asemade

- a) É sinónimo de “así mesmo”.
- b) Significa “tamén” ou “igualmente”.
- c) Como conxunción significa “tan pronto como”.**
- d) As tres opcións anteriores son incorrectas en galego normativo.

As 12:16 horas faise chamamento para a realización proba tipo test na Aula Cemit do Concello de Arzúa ó que se despraza o tribunal

Presentáanse os seguintes aspirantes:

Nome e apelidos	DNI
ELIA LAGO PEREIRA	***7855**
MARIA NURIA SEOANE BOUZAS	***2112**
ANDRÉS VIDAL PAILOS	***7621**
LAURA GIL RODRÍGUEZ	***8867**
PAULA ALEXANDRE TEIXEIRO	***9684**
MARIA TORRE RODRÍGUEZ	***9690**
UXÍA GARCÍA CONDE	***1116**



**Todos/as aspirante teña un tempo de realización de 45 minutos así como cinco días hábiles de alegacións fronte a proba e cualificacións outorgadas a mesma.**

Os membros do Tribunal procedendo a valoración da proba tipo teste ACORDOU por unanimidade :

**UNICO.-** Excluir por non terse presentado á proba de oposición os aspirantes que seguen:

<b>Nome e apelidos</b>	<b>DNI</b>
XISELA MINIA FUCIÑOS VÁZQUEZ	***3067**
DAVID REBOLO MAGARIÑOS	***9402**
VANESA VIEITES ABELENDAS	***6060**
LAURA CAAMAÑO PEREZ	***0616**

Outorgar as seguintes puntuacións provisionais dando cinco días hábiles para alegacións a partir do seguinte a publicación da acta no taboleiro de anuncios do Concello .en relación as preguntas e cualificación das probas :

<b>Nome e apelidos</b>	<b>DNI</b>	<b>APTO/ NON APTO</b>
ELIA LAGO PEREIRA	***7855**	NON APTO
MARIA NURIA SEOANE BOUZAS	***2112**	8,3
ANDRÉS VIDAL PAILOS	***7621**	NON APTO
LAURA GIL RODRÍGUEZ	***8867**	8
PAULA ALEXANDRE TEIXEIRO	***9684**	7,7
MARIA TORRE RODRÍGUEZ	***9690**	NON APTO
UXÍA GARCÍA CONDE	***1116**	NON APTO

Unha vez rematado o prazo de cinco días hábiles de alegacións fronte a proba e cualificacións outorgadas a mesma , o tribunal reunirse para resolvelas antes da proba práctica, elevándose a definitiva no caso de no habelas, que será publicado no taboeiro de anuncios da sede electrónica do Concello de Arzúa, a resolucións das alegacións, así como a data do seguinte exercicio practico.

Polo Presidente sendo as 15:30 horas levántase esta sesión, de todo o que como Secretario do tribunal dou fe, remitíndose a acta para sinatura do visto bo do Presidente e de tódolos asistentes.

En Arzúa ,a data da sinatura dixital

O Presidente  
José Benito Novo Díaz

O Secretario  
Joaquim Vazquez Rodriguez

Vogais

Purificación Galán Boutureira

Carlos Rodriguez Pérez

